

سرمد الی غریبہ

۱۳۰۷

منافع ملک و دولت مدام فی وادی لفظک مصور عثمانی جبره سید

جلد ۱

پیشنبه ۱۶ جاذی الاول سنه ۳۱۷ و ۹ ایلول سنه ۳۱۵

نومرو ۱۸

چکرکن ، دشمنك بردنبره یا بمبی محتمل اولان باصقینلردن واراضینك تأخره سییت ویره ییله جکی موانعدن مصون قالمق ایچون بالذات کشف اجراسنه مجبور اولدیغنی واضحاً اشعار ایتمکده در .

موضع آلق اوزره ، طوپچینك ایلری به حرکتی ائناسنده ، طوپچی قوماندانی سرعتله ایلری به ، دشمن آتشنك تأثیر و نفوذی حدودینه قدر کیدیور و بو حدودك داخلنده ، بطاریالارنك تعینه مناسبت بر موضع آرینور . طوپچی قوماندانی کشفی اجرا ایتمک یکی و هدفی طوغریجه تعیین ایده بیلیمك ایچون ، الده کی دورین ایلله هر طرفی تحری ایلدیکی صره ده ، اولجه تعیین ایدیلن « هدف کشفلری » نك حمایه و محافظه سی آلتنده کال امنیتله ایش کوریلور .

اشبو « هدف کشفلری » طوپچی قومانداننك بولندینی نقطه دن کوره میه جکی یرلری ، اکلایه میه جکی موادی کشف و تعیین ایدیورلر .

بوندن بشقه ، « هدف کشفلری » طوپچی قوماندانی ایچون فائده لی اولان ، اراضینك کشفی ده اواسع و ییوک بر منطقه داخلنده اجرا ایستدگری کی طوپچی موضعنك اطرافده باخصوص بو موضعك جناحیلری موانع ارضیه و یا قوای سائر به مستند اولمه دقلری و قتده ده کوزل و مهم بر امنیت تأسیس ایش اولیورلر .

بو استکشاف خدمتده - ایستر معین بر محل ، بر نقطه تأسیس ایدلمش بولونسون ، ایستر هنوز معلوم بر نقطه به داخل اولق اوزره چالیشلمقده اولسون - هدف کشفلرینه ، بای حال بر هدف ، بر استقامت کوستریلیور . طوپچی ، کندیسنه لزومی اولان معلوماتی تعمیق ایدرک آنکله مشغول اولمق سزین سواری واسطه سیله اخذ معلومات ایدن باش قوماندانان بونلری الیه یی فرض ایدیلیور . تعلیمنامه ده طوپچینك حرکتی ، انداختی بالنسبه ثابت بر هدفه ، عادتاً بر نشان تخمیننه نظراً تعیین ایدلمش ، او یولده قواعد نظریه به ربط ایدلمش کیدر . اوراده بعض قواعد واردر که انداخت مکتبلیرینه مخصوص اوله رق درج ایدلمش ظن اولتیور ، بو بر تقبصه در ، بوندن بشقه ، باش قوماندان طرفدن صورت عمومیه ده تعیین اولنان هدفك تماماً کشف و تدقیقنك اولدجه مشکل بر ایش اولدیغنی ده دوشونمك ایجاب ایدر . زیرا اگر دشمن قوماندانلری ، کندی مسلك و وظیفه لرند جدداً ماهر ایه لر . هدفی - اراضینك موایی آرقه سنده - بزدن مستور بولنديره بیلیورلر . مشکلاتدن قورتولمق ، بو مهم استکشافی اجرایه موفق اوله بیلیمك ایچون ، دشمنی یورورکن ، تخمین اولنمی قولای بر نظرآمده ایکن کریمکه ، اکلامغه چالیشمق لازمدر .

صحرا طوپچی تعلیمنامه سنه کوره

استکشاف خدمتی

طوپچی تعلیمنامه سی ، طوپچینك انجق کندیس ایچون یایه جکی کشف خدماتی حقنده بعض تعلیمات ویرمکده در . بو تعلیمات ، طوپچی موضعنك کشف و تحریسی ایلله موضعه داخل اولق اوزره ایلری به کیدرکن کچله جك اراضینك کشف و ترصدینه عائد در .

« ۲۷۵ - هر طوپچی موضعی ، حرب اولنه جق هدفلر و تحت قومانداده بولنه جق عسکری تعینه خصوصلری نظر مطالعه به آله رق کشف اولنمیدر .

« ۲۷۳ - ایلری حرکتده هر طوپچی موضعنك اولجه سرعت ممکنه ایلله موضع مذکوره کیدن قوماندانلر طرفدن و کیری به حرکتده دخی عسکرک یاننده قالان طوپچی قوماندانی طرفدن ویریلان اوامر عمومیه ایلله ، قول اغاسی و یا بر ضابط واسطه سیله کشف ایدلمسی لازمدر .

[هدف کشفلری اکثر یا بوراده فائده لی صورته ده استعمال ایدله بیلیورلر .]

« ۲۸۰ - ایچندن کچله جك هر اراضینك ، دشمنك حال و وضعیتنه و حرکت اولان درجه قابلیتنه نظراً کشف اولنمی اقتضا ایدر . دشمنك حال و وضعیتك کشفی هر تقدیر صنوف سائر نه ك وظیفه سی ایسه ده طوپچی دخی بقته بر هجومه دوجار اولماق ایچون اراضی بالذات کشف ایلله مك وظیفه سی ایلله مکلفدر .

اراضینك حرکت اولان درجه قابلیتك کشفی بالذات سیار طوپچیلرک وظیفه سیدر . کشف ایچون استخدام اولنه جق کشفلر بطریه ایلله اولان ارتباطلری دائماً محافظه ایدمه ك و تصادف ایلله چکری مواد مهمه یی بالذات و یا خود اولجه سوزلشمش اولان بر اشارتله خبر ویره چکدر .

یوقاریده ، صحرا طوپچی تعلیمنامه سندن عیناً درج و نقل ایدیلن ۲۷۳ نجی ماده ، هنوز آرقه جهته بولنان طوپچی قوماندانی ایلله ، ایلریده موجود اولدیغنی ملاحظه ایدیلن و صورت عمومیه ده معلوم فرض اولنان ، هدفلر آراسنده کی مسافیه عائد در .

« ۲۸۰ نجی ماده ایسه ، یالکر بطاریالره ، طوپوله جق طوپچی موضعی آراسنده بولنان فاصله به متعلقدر . بوخصوص ، ماده یی احتوا ایدن فصلك سرلوحه سندنده اکلاشیله بیلر . اوراده : « ایلری به حرکت ایتك موضعه داخل اولق » افاده سی موجوددر . تعلیمنامه ، اشبو ماده ده طوپچی بطاریالرنك ، کندیلری ایلله اخذ ایدمه چکری موضع بیننده کی مسافیه یی

صورتله اجرا ایدیور؟ . . . اگر طویچی قوماندانی دشمنك
کافه اقسامی ، بالخاصه الك مساعد حالرده ، دوومك ، تخریب
ایتمك ایستز وخصم ، کندیسنه بخش ایدیلن زمان فرصت وسکو.
نتدن بالاستفاده ، مقصدینه موافق وصورت مکملهده مستور
بر موقعه طوغری یوزورکن ، یالکز آنک هجوملارینی طرد
ایتمك ایله اکتفایه راضی اولمزسه ، بو ایکی مسئلهده پک دقتی
طاوراخلی ، یعنی اولجه هرشی واضحا کوره بیلمک غیرت ایله ملیدر.

محرابهده ، هدفار اصلا ثابت بولمازلر. دشمن انجق
اولجه حاضرله مش بولندی بر مدافعه موضعنده ، خصمنی
بکله مک اوزره اشغال ایدیکی مواضع معینهده غیر متحرک
طورور. حالات سائرده ایسه هر شی حرکتده یاخود
حرکتیه مهیا بر حالده در. هدفارک تبدیل موضع ایستدکری
زمانده ، باشلیجه حل ایدلسی لازمکنن ایکی مسئله مهمه وار
در. تبدیل موضع زرده وهانکی استقامتده اولیور؟ ونه



دوبلن شهرنده (ترنهقی) قولهژی

بالادهده سولنمش ایدی ، که تعلیمنامه ، (هدف کشافلری)
نک لزوم استعمالی غایت محدود حالاتده قبول ایدیور.
صورت حرکتلرندن هیچ بحث ایتیور. یالکز کری یورو -
یشلره دائر سرد ایتدیکي معلومات مختصره ایچده ، بوکایند
برقاج کلهیه تصادف اولنهیلیر. خلاصه ، کوچ ، قاریشیق
واجراسی خصوصنده پک آز زمان بولنهیلن طویچی قو -
ماندانی وظیفه سنک تسهیلنه یاردیم ایدن استکشافک اهمیت
عظیمه سی ، لزوم قطعیمی ، حال حاضر محارباتی وطویچینک
محرابه میداننده مدت حرکتی تدقیق ومطالعه سایه سنده ده
ای اکلایشیلیر.

صادق صبری

مابعدی وار

بورادن استدلال اولنور که طویچی قوماندانی ، تعلیمنا -
مه نك فرض وقبولی خلافتنه ، ده اوزاق ، ده واسع نقاطه
قدر هر حالی کورمک مجبوریتنده در.
اگر طویچی قوماندانی بالذات بو ایشک عهده سندن کله -
مرسه ، اشخاص وسائط معاونه استعمال ایتلیدر. تعلیمنا -
مه نك ، «هدف کشافلری» نامی تحتنده ذکر ایتدیکي وسائط
اشبو اشخاص معاونه در. فقط بونلر کفایت ایده میور.
ایشته ، مقصد من بو هدف کشافلرینک استعمالی ده زباده
توسیع ایتمک. طویچی ایچون فوق العاده مهم اولان خصوص -
صاتی بوسایهده اکمل ایله مکدر. بو مقصده صورت وصولی
براز آشنایده ذکر ایده جکز.